

经文30

〔七句义〕（三）「行所住处」中〔十八〕上求佛地：6、心具足（4）为摄取法身故

经言「须菩提！于意云何？可以相成就得见如来不？」如是等

先释偈

初偈显示如所不应见不可见故

云何不可见？

诸见世谛故

「是人行邪静」者

定名为静；「以得禅」者，说名寂静；说名寂静者故
又复禅名思惟修故。于中「思」者意所摄，「修」者识所摄，言「寂静」者，即说觉及识，此世谛所摄，应知。

「彼不能见（编者注：此处疑漏一「佛」字）」者

谓彼世谛行者

第二偈显示如彼不应见，及不应见因缘

于中偈言「以法应见佛」者

法者谓真如义也

此何因缘？

偈言：导师法为身故

以如为缘故，出生诸佛净身此不可见，但应见法故彼不应见

复何缘故故不可见？

以彼法真如相故，非如言说而知，唯自证知故

不如言说者，非见实不能知故

为显示此义故

偈言：法体不可见，彼识不能知

若尔如来虽不应以相具足见，应相具足为因得阿耨多罗三藐三菩提

为离此著故

经言「须菩提！于意云何？如来可以相成就得阿耨多罗三藐三菩提，须菩提！莫作是念等」者

此义明相具足，体非菩提，亦不以相具足为因也
以相是色自性故

于此住处中得显示以法身应见如来，非以相具足故